

Broj: 01-04-13-02745/2021
Sarajevo, 10.06.2021.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-06-2021			
Org. jed.	Broj	Priloga	Vrijednost
05/2	-02-	223	/21

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
KABINET SEKRETARA
N/P- Izmir Hadžić
veza vaš akt br. 05/2-02-223/21 od 01.06.2021.godine

N/P- Delegat Jasmin Duvnjak

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
SEKRETARIJAT VLADE
N/P- Sekretarka- mr.sci. Edita Kalajdžić
veza vaš akt br. 03-04-785-1/21 od 07.06.2021.godine

PREDMET: Odgovor na delegatsko pitanje, dostavlja se

Poštovani,

Federalna uprava za inspeksijske poslove zaprimila je dana 03.06.2021.godine akt gornji broj, koji je delegatsko pitanje Jasmina Duvnjaka koje je postavio na 11.sjednici Doma naroda Parlamenta Federacije BiH dana 27.05.2021.godine.

Uvaženi delegat se obratio na adrese nekoliko federalnih organa, sa tri delegatska pitanja, od kojih se na Federalnu upravu odnosi pitanje vezano za nadzore u vezi člana 66. Zakona o zaštiti okoliša Federacije Bosne i Hercegovine.

Delegat traži da mu se dostavi odgovor na kojim lokacijama, pogonima i postrojenjima se sprovodi redovna inspeksijska kontrola u odnosu na član 66. Zakona o zaštiti okoliša, koje su to aktivnosti i koja postrojenja koja ugrožavaju ili mogu ugroziti okoliš i zdravlje. Ukratko, traži informaciju o kontrolama postrojenja

koja imaju/ili mogu imati negativan uticaj na okoliš, i koliko često su se provodile kontrole takvih postrojenja u proteklih pet godina?

U pripremi odgovora na postavljeno delegatsko pitanje, konsultovani su inspektori Federalnog urbanističko-ekološkog inspektorata.

Prije nego se osvrnemo na postavljeno pitanje, dužni smo podsjetiti uvaženog delegata da je on svoje pitanje referisao na odredbu čl. 66. Zakona o zaštiti okoliša¹ koji više nije na snazi.

Pitanje uvaženog delegata je isuviše općenito, kompleksno i davanje odgovora na isto zahtijevalo bi mnogo vremena uz angažman svih raspoloživih federalnih² inspektora zaštite okoliša, imajući u vidu da se traže **podaci o frekvenciji nadzora po lokacijama, pogonima i postrojenjima koji mogu ugroziti/ ili koji ugrožavaju okoliš, zdravlje i to u periodu zadnjih pet godina.**

Sakupljanje traženih podataka bi u svakom pogledu onemogućilo obavljanje redovnih aktivnosti inspektora, a time i realizovanje Plana i programa rada ovog Inspektorata, **budući da se postavljeno pitanje zapravo odnosi na sveukupnu nadležnost ovih inspektora.**

U namjeri da budemo što ekspeditivniji, i da ipak, što je moguće kvalitetnije damo traženi odgovor, u nastavku se izjašnjavamo kao slijedi:

Svoje redovne inspeksijske nadzore nadležni federalni inspektori zaštite okoliša vrše u skladu sa usvojenim Planom i programom rada, koji je prethodno usaglašen i odobren od strane Federalnog ministarstva okoliša i turizma.

Nadležni federalni inspektori zaštite okoliša nadzore obavljaju nad pogonima i postrojenjima za koje Federalno ministarstvo okoliša i turizma izdaje okolinsku dozvolu, a koji su određeni važećim Pravilnikom³ o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu (u daljem tekstu: Pravilnik).

Iako je ovaj Pravilnik provedbeni akt prethodnog Zakona o zaštiti okoliša, isti se ima primjenjivati, ukoliko njegove odredbe nisu u suprotnosti sa odredbama važećeg, dakle novog Zakona o zaštiti okoliša⁴.

¹ Zakon o zaštiti okoliša ("Službene novine Federacije BiH" broj: 33/03 i 38/09)

² Federalni urbanističko-ekološki inspektorat - Od ukupno 8 koliko je utvrđeno važećom sistematizacijom, pet federalnih inspektora za zaštitu okoliša trenutno radi u ovom inspektoratu.

³ Pravilnik o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Službene novine Federacije BiH“, broj 19/04).

⁴ Zakon o zaštiti okoliša ("Službene novine FBiH" broj: 15/21)